



Icyegeranyo cy'amakuru y'imikino yaranze icyumweru

2023

Taliki 08-12 Nzeri



P.1 Basketball : APR BBC yegukanye igikombe cya shampiyona nyuma y'imyaka 14

Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

- P1 **Basketball**: APR BBC yegukanye igikombe cya shampiyona nyuma y'imyaka 14
- P2 **Football**: Habaye imikino y'umunsi wa gatatu wa shampiyona
- P2 **Cycling**: Inteko Rusange ya FERWACY yemeje ubwegure bwa Murenzi
- P3 **CAN 2023**: Amavubi yasoreje ku mwanya wa nyuma mu mikino yo gushaka itike
- P3 Hasojwe umwiherero w'abana 502 mu mikino itandukanye
- P4 **Cycling**: Mugisha Moïse na Mwamikazi begukanye "Criterium de Kigali 2023"
- P4 **Taekwondo**: Dream TC yegukanye igikombe cya shampiyona y'abakiri bato
- P5 **Amputee Football**: Ikipe y'u Rwanda yegukanye umwanya wa 5 mu mikino y'Afurika
- P5 **Cricket**: Gahanga Leopards CC yegukanye irushanwa ry'abatarengeje imyaka 17
- P6 **Tennis**: Damien Wenger yegukanye icyumweru cya mbere cya "Rwanda Open M25"
- P6 **Handball**: Gicumbi HBT yegukanye igikombe cya shampiyona 2023
- P7 **Swimming**: Abatoza 25 bitabiriye amahugurwa y'uburyo bwo kurinda umukinnyi impanuka zo mu mazi
- P8 **Kung Fu Wushu**: Mu Rwanda hatangiye amahugurwa atangwa n'inzobere yo mu Bushinwa
- P9 **Swimming**: Abazaserukira u Rwanda mu mikino y'Akarere ka 3 batangiye gutoranywa

Basketball : APR BBC yegukanye igikombe cya shampiyona nyuma y'imyaka 14

Taliki 08 Nzeri 2023 ni bwo hasojwe shampiyona y'icyiciro cya mbere mu mukino wa Basketball mu bagabo aho ikipe ya APR BBC yongeye kwegukana igikombe yaherukaga muri 2009.

Ikiipe ya APR BBC yabigezeho nyuma yo gutsinda ikiipe ya REG BBC yari ifite iki gikombe giheruka imikino 4-0 mu mikino ya kamarampaka "BetPawa Playoffs 2023".

Iyi kipe nyuma yo gusezerera Patriots BBC muri $\frac{1}{2}$ iyitsinze imikino 3-0 yanatsinze REG BBC imikino 4-0 (68-62, 74-62, 80-75 na 80-68).

Mu guhatanira umwanya wa 3, ikiipe ya Espoir BBC yateye mpaga ikiipe ya Patriots BBC yanze gukina.

Nyuma yo kwegukana igikombe cya shampiyona, ikiipe ya APR BBC ni yo izahagararira u Rwanda mu mikino ya BAL 2024.

Mu bagore kugeza ubu ikiipe ya APR BBC imaze gutsinda REG BBC imikino 3-1, umukino wa mbere REG BBC yatsinze APR BBC amanota 87 kuri 86, uwa kabiri APR BBC itsinda REG BBC amanota 60 kuri 59, uwa gatatu, APR BBC itsinda REG BBC amanota 84 kuri 81 naho uwa kane, APR BBC itsinda REG BBC amanota 77 kuri 67.

Mu guhatanira umwanya wa 3, ikiipe ya IPRC Huye yitwaye neza itsinda The Hoops imikino 2-1 (63-60, 64-67 na 69-54).



Football : Rayon Sports yegukanye irushanwa "RNIT Saving Cup 2023"

Taliki 05 kugeza 08 Nzeri 2023 habaye irushanwa "RNIT Savings Cup 2023" ryateguve n'ikigega cyo kwizigamira "RNIT Iterambere Fund" ku bufatanye na B&B Sports Agency.

Iri rushanwa ryahuje amakipe ari yo Rayon Sports, AS Kigali, Etoile de l'Est FC na Kiyovu.

Mu mikino ya $\frac{1}{2}$ yabereye kuri Sitade Ngoma, Kiyovu yasezereye Etoile de l'Est FC naho Rayon Sports isezerera AS Kigali kuri penaliti 4-3 nyuma yo kunganya ibitego 2-2.

Ku munsi wa nyuma w'iri rushanwa, taliki 08 Nzeri 2023 kuri Pele Stadium, ikipe ya Etoile de l'Est FC yegukanye umwanya wa gatatu itsinze AS Kigali igitego 1-0.

Ikipe ya Rayon Sports yegukanye igikombe itsinze Kiyovu ibitego 3-0 byatsinzwe na Héritier Nzinga Luvumbu watsinze ibitego bibiri na Charles Baale.

Iyi kipe ya Rayon Sports yegukanye igikombe ihabwa na miliyoni 3 z'amafaranga y'u Rwanda, Kiyovu ihabwa miliyoni 1,5 naho Etoile de l'Est FC ihabwa miliyoni 1.

Iri rushanwa ryari muri gahunda yo gukangurira abakunzi b'imikino kwizigamira aho amafaranga abafana baguze amatike yahise aba umugabane wabo w'ubwizigamire mu kigega "RNIT Iterambere Fund".



Cycling : Inteko Rusange ya FERWACY yemeje ubwegure bwa Murenzi

Taliki 09 Nzeri 2023 habaye inama y'Inteko Rusange idasanzwe y'ishyirahamwe ry'umukino w'amagare mu Rwanda "FERWACY" aho hemejwe ubwegure bw'uwari Perezida, Murenzi Abdallah ndetse ineguza Umunyamabanga Mukuru, Munyankindi Benoît ufunze.

Abagize Inteko Rusange bemeje ko bitarenze taliki 21 Ukwakira 2023 hagomba kuba habaye amatora yo kuzuza inzego ahazatorwa Perezida mushya ndetse n'Umunyamabanga Mukuru.

Murenzi Abdallah wari Perezida wa FERWACY kuva mu Kuboza 2019, yeguye taliki 31 Kanama 2023 naho Nkuranga Alphonse wari Umuyobozi Nshingwabikorwa asezera akazi.

Inteko Rusange kandi yemeje ko Nzabamwita Charles, Kamanda René na Ingabire Claudine bayobora komisiyo y'amatora.



CAN 2023 : Amavubi yasoreje ku mwanya wa nyuma mu mikino yo gushaka itike

Taliki 09 Nzeri 2023 ni bwo hasojwe imikino yo mu itsinda L mu gushaka itike ya CAN 2023 izabera muri Côte d'Ivoire umwaka utaha wa 2024. Muri iri tsinda L, ikipe y'u Rwanda yasoje ikina na Senegal, umukino wabereye kuri Sitade Mpuzamahanga ya Huye ukarangira amakipe yombi anganyije igitego 1-1.

Muri iri tsinda, ikipe ya Mozambique yatsinze Benin ibitego 3-2 bituma ihita ibona itike yo kuzakina imikino ya nyuma aho yazamukanye n'ikipe ya Senegal.

Ikipe ya Senegal yasoje iyoboye urutonde n'amanota 14 ikurikiwe na Mozambique n'amanota 10, Benin ku mwanya wa 3 n'amanota 5 naho ikipe y'u Rwanda isoreza ku mwanya wa 4 wa nyuma n'amanota 3.

Amakipe 24 azakina CAN 2023

Aya makipe ni Côte d'Ivoire izakira irushanwa, Sénégé, RDC, Cameroun, Mali, Burkinafaso, Guinée, Algérie, Maroc, Tunisie, Nigeria, Ghana, Misiri, Gambia, Tanzanie, Afurika y'Epfo, Zambia, Guinée équatoriale, Guinée Bissau, Cap Vert, Angola, Mozambique, Mauritanie na Namibia.

Imikino ya CAN 2023 izabera muri Côte d'Ivoire kuva taliki 14 Mutarama kugeza 11 Gashyantare 2024.



Hasojwe umwiherero w'abana 502 mu mikino itandukanye

Taliki 08 Nzeri 2023 mu Karere ka Nyanza hasojwe umwiherero w'iminsi 10 wari wahuje abana 502 mu mikino itandukanye.

Uyu mwiherero wabereye muri Collège Christ-Roi wateguwe na Minisiteri ya Siporo "MINISPORTS" ku bufatanye n'lkigega cy'Abafaransa cy'Iterambere "AFD_France" binyuze muri gahunda "Isonga-AFD" igamiye guteza imbere impano muri siporo bihereye mu bakiri bato.

Abana bitabiriye uyu mwihero bari mu mikino 6 itandukanye harimo Basketball (102), Football (151), Cycling (27), Handball (88), Athletics (24) na Volleyball (110). Aba bana kandi banakurinanwe n'abatoza 49.

Aba bana baturutse mu bigo 17 byatoranyijwe mu guhugu hose bisanzwe bikorana n'iyi gahunda ya "Isonga-AFD". Ibi bigo ni GS Kabare, GS St Aloys, Kiziguro SS, GS ADEGI, ES Nyamirama, IPM Mukarange, GS St Joseph Kabgayi, Collège Christ Roi Nyanza, GSO Butare, ENDP Karubanda, ES Kigoma, ISF Nyamasheke, GS Birambo, Collège de Gisenyi, Lycée de Kigali, GS Nyirangarama na GS de la Sale Gicumbi.



Cycling : Mugisha Moïse na Mwamikazi begukanye "Criterium de Kigali 2023"

Taliki 09 Nzeri 2023 habaye isiganwa "Criterium de Kigali 2023" riri ku ngengabihe y'amasiganwa ya "Rwanda Cycling Cup 2023".

Abitabiriye iri siganwa mu byibiciro bitandukanye bazengurutse intera ya kilometero 4 (BK Arena – Kimironko Simba – KIE – RRA – Airtel – Stade Amahoro – BK Arena).

Mugisha Moïse mu cyiciro cy'abagabo na Mwamikazi Djazilla mu bagore ni bo bitwaye neza begukana iri siganwa.

Uko isiganwa ryagenze

- Men Elite (86km)

1. Mugisha Moise 2h01'05"
2. Niyonkuru Samuel 2h01'09"
3. Areruya Joseph 2h02'00"

- Men U-23 (86km)

1. Niyonkuru Samuel 02h01'09"
2. Hakizimana Felicien 2h02'07"
3. Tuyizere Hashim 2h02'07"

- Men Juniors (62km)

1. Nizeyimana Fiacre 01h34'03"
2. Tuyipfukamire Aphrodise 01h34'03"
3. Ntirenganya Moses 01h34'03"

- Women Elite (62km)

1. Mwamikazi Djazila 1h50'29"
2. Ntakirutimana Martha 1h50'29"
3. Mukeshimana Josiane 1h50'29"

- Women Juniors (62km)

1. Uwera Aline 1h50'22"
2. Byukusenge Mariate 1h50'34"
3. Ingabire Domina 1h50'35"



Taekwondo : Dream TC yegukanye igikombe cya shampiyona y'abakiri bato

Taliki 09 na 10 Nzeri 2023 muri Hilltop Hotel i Remera mu Mujyi wa Kigali habereye shampiyona y'ighugu mu bakiri bato "Cadets & Juniors National Kyorugi Championships 2023". Ikipe ya Dream TC ni yo yegukanye igikombe.

Iri rushanwa ryatewe inkunga na AOS Ltd na Hilltop Hotel ryari ryitabiriwe n'amakipe 25 ya Taekwondo mu Rwanda. Ikipe ya Dream TC yitwaye neza yegukana igikombe, ku mwanya wa kabiri haje White Stars TC mu gihe umwanya wa gatatu wegukanywe na Dream Fighters TC.

Mu bakinnyi ku giti cyabo, Ngabonziza Annick Dadua na Uwamahoro Francoise ni bo bahize abandi bakaba ari na bo begukanye ibihembo by'abitwaye neza mu cyiciro cy'abana bari munsi y'imyaka 14 (Cadets). Kabuga Seleman na Irasubiza Queen Ella ni bo batowe nk'abakinnyi beza kurusha abandi mu cyiciro cy'ingimbi n'abangavu "Juniors".



Amputee Football: Ikipe y'u Rwanda yegukanye umwanya wa 5 mu mikino y'Afurika

Kuva taliki 03 kugeza 12 Nzeri 2023 i Accra muri Ghana habereye ku nshuro ya mbere imikino y'Afurika y'abantu bafite ubumuga "African Para Games 2023".

Iyi mikino yitabiriwe n'ibihugu 37 aho abakinnyi bahatanye mu mikino itatu ari yo umupira w'amaguru "Amputee Football" , Basketball "Wheelchair Basketball" ndetse na Tennis " Wheelchair Tennis".

Muri iyi mikino u Rwanda rwaserukiwe n'ikipe y'igihugu ya "Amputee Football" mu bagabo. Iyi kipe y'u Rwanda yisanze mu itsinda rimwe na Misiri, Angola na Kenya. Umukino wa mbere ikipe y'u Rwanda yatsinze Kenya ibitego 2-1. Iyi kipe yatsinzwe na Angola ibitego 3-2 isoza imikino y'amajonjora itsindwa na Misiri ibitego 4-2.

Muri iri tsinda hakomeje ikipe ya Misiri na Angola naho ikipe y'u Rwanda ikina na Liberia mu guhatanira umwanya wa 5 aho yitwaye neza igatsinda ibitego ibitego 2-1.

Ikipe ya Ghana ni yo yegukanye igikombe itsinda Maroc ku mukino wa nyuma ibitego 2-1.

Uko ibihugu byakurikiranye

Ghana yasoreje ku mwanya wa mbere ikurikirwa na Maroc (2), Misiri (3), Angola (4), Rwanda (5), Liberia (6), Kenya (7) na Uganda (8).



Cricket: Gahanga Leopards CC yegukanye irushanwa ry'abatarengenge imyaka 17

Taliki 04 kugeza 07 Nzeri 2023 kuri Sitade Mpuzamahanga ya Gahanga ndetse n'ikibuga cya Kicukiro "IPRC Oval" habereye irushanwa ry'abatarengenge imyaka 17 "Rwanda Byiruka Boys U-17 Cricket Tournament 2023".

Iri rushanwa ryari ryitabiriwe n'amakipe 9 aho yari ari mu matsinda 3, itsinda A ryari rrimo Rwamagana Riders CC, Niboye Hybrid CC na Muhanga Eagles CC. Itsinda B ryari rrimo Too Jazzy U-17 CC, Gisovu Bulls CC na Rubavu Rhinos naho itsinda C rrimo Gahanga Leopards CC, Kinihira Tigers CC na Ndera Gladiators.

Nyuma y'imikino y'amajonjora, ikipe ya mbere muri buri tsinda, Rwamagana Riders CC (A), Too Jazzy U-17 CC (B) na Gahanga Leopards CC (C) kongeraho ikipe ya yabaye iya kabiri mu itsinda A (Niboye Hybrid CC) zakomeje muri ½ cy'irangiza.

Muri ½ , ikipe ya Rwamagana Riders CC yasezereye Niboye Hybrid CC ku kinyuranyo cy'amanota 25 (167-142) naho Gahanga Leopards CC isezerera Too Jazzy U-17 CC ku kinyuranyo cy'amanota 140 (188-48).

Ikipe ya Gahanga Leopards CC ni yo yegukanye igikombe itsinze ku mukino wa nyuma Rwamagana Riders CC amanota 185 ku 180 naho ikipe ya Niboye Hybrid CC yegukana umwanya wa 3 itsinze Too Jazzy U-17 CC amanota 61 kuri 58.



Tennis : Damien Wenger yegukanye icyumweru cya mbere cya "Rwanda Open M25"

Taliki 04 kugeza 10 Nzeri 2023 muri IPRC Kigali habereye irushanwa mpuzamahanga ry'umukino wa Tennis mu bagabo "Rwanda Open M25".

Icyumweru cya mbere cyitabiriwe n'abakinnyi 32 cyegukanwe na Damien Wenger ukomoka mu Busuwisi atsinze Oliver Crawford ukomoka muri USA amaseti 2-0 (6-4 na 6-2).

Mu bakina ari babiri, Damien Wenger afatanyije na Corentin Denolly ukomoka mu Bufaransa ni bo begukanye irushanwa batsinze ku mukino wa nyuma, Iradukunda Guy Orly ukomoka i Burundi na Abraham Saba (Ghana) amaseti 2-1 (4-6, 7-6 na 10-5).

Damien Wenger wegukanye iri rushanwa yahembwe ibihumbi 3,600 by'amadorali y'Amerika abona n'amanota 25 naho Oliver Crawford ahabwa 2,120 n'amanota 18.

Mu bakina ari babiri kandi Damien Wenger afatanyije na Corentin Denolly bahawe amadorali 1,550 naho Iradukunda Guy Orly na Abraham Saba bahabwa 900.

Icyumweru cya kabiri cya "Rwanda Open M25", irushanwa ryatangije taliki 11 Nzeri rikazasoza 17 Nzeri 2023.



Handball : Gicumbi HBT yegukanye igikombe cya shampiyona 2023

Taliki 10 Nzeri 2023 ni bwo hasubiwemo umukino wa nyuma hagati y'ikipe ya Gicumbi HBT na Police HBC mu rwego rwo guhatanira igikombe cya shampiyona ya 2023.

Ikipe ya Gicumbi HBT yitwaye neza yegukana igikombe itsinze Police HBC ibitego 36 kuri 35. Uyu mukino wabereye Kimisagara usifurwa n'abasifuzi bakomoka muri Kenya.

Uyu mukino wagombaga gukinwa taliki O2 Nyakanga 2023 muri BK Arena ariko ntiwarangira nyuma y'ubwumvikane buke bwabaye hagati y'amakipe yombi kubera ibyemezo by'abasifuzi.



Swimming : Abatoza 25 bitabiriye amahugurwa y'uburyo bwo kurinda umukinnyi impanuka zo mu mazi

Ku bufatanye n'ishyirahamwe ry'umukino wo Koga ku Isi "World Aquatics", Komite Olempike y'u Budage na Komite Olempike y'u Rwanda, ishyirahamwe ry'umukino wo Koga mu Rwanda "RSF" ryateguye amahugurwa agamije kongerera ubumenyi abatoza no kubahugura ku bijyanye n'uburyo barinda abakinnyi impanuka zo mu mazi "Drowning & Prevention".

Aya mahugurwa azamara iminsi 12, yitabiriwe n'abatoza 25 bahagarariye amakipe 10 agize RSF akaba arimo gutangwa na Sven Spannkrebs, wavuye muri Komite Olempike y'u Budage.

Uwiduhaye Jean d'Amour, umutoza w'ikipe ya Rvesero yagaragaje ko amahugurwa azamufasha mu buryo bwo kurinda abakinnyi atoza kuba bagira ikibazo mu mazi ndetse no kubaha ubutabazi bwhuse mu gihe hari abagize ikibazo.

Yakomeje avuga ko bizamufasha kandi mu kwigisha no kuzamura impano z'abakiri bato kugira ngo bazakine umukino wo Koga mu buryo bw'umwuga.

Perezida wa RSF, Girimbabazi Rugabira Pamela, yagaragaje ko aya amahugurwa agamije kongerera ubumenyi abatoza kuko umukino wo Koga utatera imbere mu gihe abawurimo by'umwiheriko abatoza badahabwa amahugurwa yo kubakarishya.

Ati : "Muri aya mahugurwa abatoza bari guhabwa ubumenyi ku buryo bashobora kurohora umukinnyi mu mazi haba mu gihe cy'imyitozo ndetse n'amarushanwa nyirizina. Aya masomo kandi azabafasha kuzamura urwego rw'abakinnyi batoza hagamijwe gutanga umusaruro mwiza".

Yakomeje avuga ko iyi mpuguke, Sven Spannkrebs uretse guhugura aba batoza azanasura amakipe babarizwamo mu rwego rwo kureba akazi bakora mu bijyanye no gutoza abakinnyi babaganwa mu byiciro bitandukanye.

Abitabiriye amahugurwa baturutse mu makipe atandukanye arimo Les Dauphins SC, Rubavu SC, Aquawave SC, CSK SC, Mako Sharks SC, Gisenyi Beach Boys SC, Rwanmagana Canoe & Aquatic Sports SC, CS Karongi SC, Rvesero SC na Vision JN SC.



Kung Fu Wushu : Mu Rwanda hatangiye amahugurwa atangwa n'inzobere yo mu Bushinwa

Ishyirahamwe ry'umukino njyarugamba wa Kung Fu Wushu mu Rwanda "RKWF" ku bufatanye n'Ambasade y'u Bushinwa mu Rwanda, Henan University of Technology binyuze muri "Henan Friendship Overseas Affairs serevice Co.Ltd" harimo kuba amahugurwa atangwa n'inzobere yaturutse mu Bushinwa, Chen Haijun.

Aya mahugurwa "Seminar on Shaolin Martial Arts and Taiji Boxing of Chen Style" biteganyijwe ko azamara iminsi 50, yatangiye ku mugaragaro taliki 06 Nzeri akazasozwa taliki 25 Ukwakira 2023. Yitabiriwe n'abakinni ndetse n'abatoza bagera kuri 45 baturutse mu makipe atandukanye mu gihugu.

Amahugurwa abera munzu y'imikino ya Tsen Sport Kung-Fu Organization ku Kimihurura mu Rugando buri munsi guhera saa tatu (09h00) kugeza saa sita (12h00) ndetse no guhera saa cyenda (15h00) kugeza saa kumi n'ebiyiri (18h00).

Chen Haijun urimo gutanga aya mahugurwa yatangaje ko yishimiye kuba ari mu Rwanda muri gahunda yo guhugura abakinni ba Kung Fu Wushu ku buryo bushya bw'imikinire.

Yakomeje avuga ko yabonye abakinni ba Kung Fu Wushu mu Rwanda bafite byinshi by'ibanze kuri uyu mukino bityo ko ibyo azabigisha afite icyizere ko bazabinya nta nkomyi.

Perezida wa RKWF, Uwiragiye Marc atangaza ko aya mahugurwa bari bamaze igihe bayategura kuva muri Gashyantare 2023. Yashimiye Ambasade y'u Bushinwa mu Rwanda ndetse na Henan University of Technology kuko ari bo batanze ibizakenerwa byose ngo aya mahugurwa abe.

Agaruka ku musaruro biteze muri aya mahugurwa, Uwiragiye yatangaje ko abakinni ba Kung Fu Wushu baziga byinshi bijyanye n'uburyo bushya bw'imikinire " Taiji Boxing of Chen Style". Akaba ari gahunda izakomeza kuko abahuguwe bazakomeza kwigisha abandi ndetse ko hari n'abashobora kuzajya mu Bushinwa bakongera kwiyungura ubundi bumenyi nyuma bagaruke babusangize abandi.

Uwiragiye yavuze ko iyi nzobere irimo gutanga amahugurwa, Chen Haijun ari umwarimu wo ku rwego rwo hejuru aho afite inyenyeri 13.



Swimming : Abazaserukira u Rwanda mu mikino y'Akarere ka 3 batangiye gutoranywa

Taliki 09 Nzeri 2023, ishyirahamwe ry'umukino wo Koga mu Rwanda "RSF" ryatangiye igikorwa cyo gutoranya abakinnyi bazahagararira u Rwanda mu marushanwa yo Koga azahuza ibihugu byo muri Afurika y'Uburasirazuba abarizwa mu Karere ka 3 "CANA Zone 3".

Amajonjora yabereye muri Green Hills Academy i Nyarutarama aho yari yitabiriwe n'abakinnyi bo mu makipe 10 arimo Les Dauphins SC, Rubavu SC, Aquawave SC, CSK SC, Mako Sharks SC, Gisenyi Beach Boys SC, Rwamagana Canoe & Aquatic Sports SC, CS Karongi SC, Rwesero SC na Vision JN SC.

Amajonjora akaba azakomeza kugeza mu mpera z'Ukwakira 2023 aho abakinnyi bazaba barahize abandi bazashyirwa mu mwiherero kugira ngo bitegure iyi mikino izaba mu Gushyingo 2023.

Abakinnyi basaga 120 bafite guhera ku myaka 10 kuzamura ni bo bitabiriye ijonzora rya mbere hatoranywamo 60 nyuma hakazatoranywamo 30 ari bo bazaserukira igihugu.





Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave